

— ...

Հայաստանում հացը ամէն օր պէտք է թրջել: Լաւաշը կարծր է հին մագաղաթի նման եւ գրուելիք գիրքը տխուր:

Դպրոց, համալսարան, յօդուածներ, իտալական եւ սպանիական անթել հեռագիրները թարգմանութիւն, ժողովներ, ժողովներ: Գուճար = թշուառութիւն: Լուբիա, Վանայ ժաժիկ եւ թուզով թէյ:

Աձենէն սոսկալին բարոյական եւ մտաւորական ճնշումն է, ուսերիդ վրայ բեռնուած կապարը, ուղեղիդ մէջ մխրճուած ստուերը:

Դպրոցում՝ շուարած ուսուցիչներ ևւ վայրենացած աշակերտներ:

Համալսարանում՝ կոմրջիջի կատաղած ոջիւները:

Քաղաքում՝ աչքերի ետեւ մրափող կատուն, սրտերի տակ կուշ եկած ոխը, կասկածը, նախանձը, եւ առ երես դառն ժպիտները:

Ձանձրոյթ...

* * *

Հոկտեմբեր.—

Ի՞նչ երկայն է աշունը Երեւանում:

Մոզական աշուն. ամէն կողմից բոց է թափուում: Արարատեան դաշտը մեղամաղձոտ է եւ դեղին: Օդը մարդարիտէ է եւ լոյսերը սըրսըփուն:

Աշունը այստեղ հոգեկան դարթօնքի մի ձեւ է: Գլուխը վար դցած, ոտքերը քաշքող եւ թելի տակ ջութակը սեղմող պանդուխտը չէ, որ անցնում է Արարատեան դաշտից, այլ դէպի վեր ցցուած բոցանման վարսերով, լուսավէտ մեծ աչքերով եւ թեթեւ ոտքերով մի քերովբէ, որ փչում է երկայն, ոսկէ մի փողի մէջ եւ երկնում պսպղուն տերեւաթափի լեզենդան:

Արարատը ձիւների տակ երգեհօնի նման հնչուն է:

Ամէն ինչ երգ է...

— ...

Վերջապէս պատահեց այն, ինչ որ պիտի պատահէր:

Երեկոյեան տուն վերադարձայ եւ ամբողջ ընտանիքը սարսափի մէջ գտայ: Իմ բացակայութեան ժամանակ միլիցիականների մի խումբ, զինուած, խուժել են ներս, խոհանոցի վարադոյրը պոկել եւ սպառնական բառերով

դուրս եկել: Նրանք յայտարարել են, որ դա պարլամենտի նախկին դրօշակն է եւ որ, եթէ տանը լինէի, ինձ պիտի ձերբակալէին:

Կանայք — խելացիներ՝ — մի մի անկիւնում կուշ են եկել եւ դողալով աչքերիս մէջ են նայում: Սաթոյի իգբիրցիները դաւաճանեցին... Երախաները խեղճ խեղճ նստել են եւ այլեւս Ղարսը չեն ուզում ետ առնել:

Դու հիմա եկ էլը ցելից հանիր:

Դոյների տեղը փոխել էինք, բարեբախտաբար: Անտիջաղէս բաց եմ անում Լառուսի փոքրիկ բառարանը եւ դանազան երկրների գրքօշակների ցանկում փնտռում եմ մէկը, որ նմանի: Հոլլանդականը...

Քիչ յետոյ՝ «նաչալնիկը կանչում ա»...

Կեղտոտ մի սենեակ, սեղան, կտրած մի աթոռ: Նաչալնիկը, երիտասարդ մի տղայ, աչքերը չուել է եւ աշխատում է դէմքին խըստութիւն տալ:

— Դուք,— ասում է,— ձեր տան մէջ կախել էիք Պարլամենտի դրօշակը...

— Ի՞նչ պարլամենտ:

— Իբր թէ չգիտէք... Դաշնակցական Պարլամենտի դրօշակը:

— Դուք պարզապէս տգէտ մի մարդ էք...

Եւ նախ ի՞նչ իրաւունք ունէիք ձեր մարդիկը իմ բնակարանս ղրկել եւ առանց իմ իրաւունքի ներս մտնել եւ յետոյ այս դրօշակը հոլլանդական դրօշակ է, որ բերել եմ Ամստերդամից: Եթէ չէք հաւատում, ահա նայեցէք բառարանը:

— Ես բառարան մտարան չեմ իմանում եւ վստահ գիտեմ, որ դա Պարլամենտի դրօշակն է:

— Դէ գիտում էք՝ գիտցէք:

— Ձեր դործը, դրօշակի հետ, կը դնայ Ձեկա:

— Լաւ:

— Կը հասկանաք, որ բանուորա-գիւղացիութեան բէթիմի հետ խաղալ չի կարելի:

— ...

— Կարող էի ձեզ բանտարկել, բայց ուզում եմ սպասել հրամանի:

— Յը...

Բարեկամներս բացատրում են.—

— Քեզ որոշել են հուպ տալ: Երեւի, մի